

in Conventu seu palam, nisi probari queat, & super eo publica laboret infamia. Ceterum ea, quæ sibi insinuatur, nec probari possunt, diligenter a remotis inquirent, non nominata Persona, sed de vitio inquirendo; si forte, quod credebatur occultum, possit in publicum propalari; caute tamen, ut ex huiusmodi inquisitione non surgat infamia, ubi prius non erat; vel, si aliqua erat, minime augeatur, juxta illud, quod nostra cavetur in Regula: Si possit forte secretius correctus non innotescere cæteris. Qua inquisitione facta, si quid de Priore, vel de aliquo alio dicitur, quod emendatione aut poena sit dignum; interrogetur, qui dictus est reus, an sit verum, quod obijcitur ei. Qui confessione sua, vel, si negaverit, facta per testes inquisitione convictus, arbitrio Visitatorum ordinate vel emendetur vel puniatur. Nullus tamen, licet intrastabilis seu perverus inveniatur, nec post multas commotiones sibi factas se corrigens, extra Domum suam pro disciplina mittatur, nisi prope suum Monasterium capitales habeat inimicos; aut propter permanentiam ejus in ipsa Domo, grave ibi scandalum generetur; sed ibidem taliter castigetur, quod alii perpetrare similia pertimescant. Discordes tamen, & ad pacem redire nolentes, a suis Monasteriis segregentur & dividantur sub congrua disciplina; nec Domus, ad quas mittentur, eos valeant reculare. Cum igitur Visitatores, quæ noverint notanda, præscripserint, & expedire viderint, aliqua eorum occultari debere; Monachis ipsorum factorum consiliis districte monitis vel præceptis, juramento, excommunicationis sententia, sive corporalium impositione poenarum injungant, ne illa alicui revelare præsumant. Scribant autem in suis scriptis secretis universa & singula, quæ per suam inquisitionem correctione ac emendatione indigere perspexerint. Quibus ita conscriptis, illis, quos propria confessione, aut legitima probatione reatum occultorum, culpabiles esse confiterit, sigillatim & secreta vocatis, ac de suis negligentis & excessibus specialiter reprehensis, debitam poenitentiam & correctionem imponant. Post hæc, considerata diligenter carta Visitatorum præcedentium, quidquid contentorum in ea repererint non fuisse, ut debuit, observatum, in sua carta illie dimittenda una cum aliis, quæ ipsi de novo viderint emendanda, sive facienda conscribant, & præcedens litera deleatur. Et super omnia Visitatores diligenter attendant, quod in ipsa carta non scribant culpas, negligentias, vel excessus publicos vel occultos, graves aut leves, ullam Personam in singulari notando, præterquam illorum, qui reperti fuerint incorrigibiles de negligentis vel excessibus non occultis, de quibus scandalum, turbatio, aut malum exemplum Monachis sit exortum. Possunt etiam in eadem carta in genere reprehendere culpas leves, non nominando Personas, quæ talia commiserunt; ut verbi gratia: Reprehendimus, quod aliqui frangunt silentium: aliqui non sequuntur Chorum, ut debent; quos monemus, ut de cætero se emendant; & sic de similibus; & ma-

Pœnæ Priorum.

De inquisitione secretæ.

De culpis levibus.

xime negligentias & excessus in non servando nostri Ordinis consuetudines & statuta, quamvis non omnes in hoc deliquerint, debent modo præmissis in ipsa carta notare. Possunt tamen in ea Priorem de negligentis & excessibus manifestis, præsertim si cedunt in sui regiminis damnum seu detrimentum, arguere: & de his, quibus circa suum regimen invigilare debet, in posterum exhortari. Scribant præterea in carta omnia illa, quæ ad conservationem communis status & regiminis Domus ejusdem, & Sacræ Religionis observantiam, pertinere cognoverint. Culpas vero graves, quas per aliquos commissas invenerint, poterunt, si expedire videbitur, in quadam alia litera secreta conscribere, notando in ea sigillatim Personas, quæ culpas huiusmodi commiserunt, & poenitentias ipsis injunctas; ut sic sequentibus Visitatoribus constet facilius, an Monachi ipsi prius reperti culpabiles poenitentias prædictas impleverint, & de huiusmodi sint in moribus emendati. Quam utique secretam cartam clausam & sigillatam Priori vel Vicario aut Sacristæ commendent; præceptum in ejus dorso scribentes, ne quis præter Visitatores sequentes literam ipsam audeat aperire vel legere; & quod per illum, cui custodienda committitur, Visitatoribus tradatur sequentibus. Demum post hæc Priore ac Monachis simul in Capitulo congregatis, ante omnia verbo tenus personas culpabiles in casibus seu culpis gravibus & manifestis nominatim in publico reprehendant, eis ad sui arbitrium poenitentias imponendo. Hoc idem possunt facere, si expedire viderint, in casibus seu culpis levibus, quas communiter de facili solent Monachi committere, etiam si casus huiusmodi sint occulti. Insuper tam Priori quam Monachis, prout quemque illorum, tanget negotium, districte precipiant, quantum nullus unquam publice vel occulte, directe vel indirecte de quocumque alio, quem sciverit, aut præsumperit aliquid contra eum in eadem Visitatione dixisse, vindictam assumat; humanitatem, seu consolationem in communi, solitam cæteris exhiberi, vel pro infirmitatibus debilitate sive languore debitam, subtrahendo: nec sibi unquam ob hoc verbis vel factis molestus existat; ex opposito enim facile sequeretur celatio veritatis, & remaneret excessus & negligentia impuniti: Statimque coram ipsis prædictam suam cartam publicam legant, seu legi faciant, suisque nominibus roborent, & aliquo sigillo noto communi; & ipsam Priori vel Sacristæ tradant, primis sequentibus Visitatoribus exhibendam. Quæ quidem carta in omnium Monachorum præsentia bis in anno legatur, videlicet, Infra Octavas Nativitatis, & Dominicæ Resurrectionis. Summopere vero Visitatores provideant, ut in Monasteriis visitatis pacem, salva Ordinis disciplina, pro posse relinquunt; nec questiones, quas suo poterunt terminare iudicio, Patri Generali, aut Capitulo Generali referant. Deinde Monachis valedicturi, quoniam in multiloquio non deest peccatum, totus Conventus dicat: Confiteor Deo tunc, & unus Visitatorum abso-

De gravibus.

De manifestis.

De dimissione Visitationis.

abolutionem faciat, & statim recedant. Si tamen post hæc aliqua forsitan emendanda perspexerint, ante suum recessum illa corrigant & emendent. Adhuc sciendum, Visitatores, durante suæ visitationis tempore, triennio videlicet, in quo sunt Deputati, exercendam per se (quam aliis delegare non valent) habere in corrigendis excessibus, & reformatis, quæ reformatione indigent, plenam potestatem; qua potestate in suæ visitationis Domibus uti possunt, nedum cum eas semel infra dictum triennium visitant, sed etiam dum per aliquam earum, de aliquibus Domibus visitatis ad alias visitandas eundo, aut ad sua Monasteria revertendo, transferunt tunc enim Domos illas, quamvis visitatas, possunt intrare, & per Priorem, aut aliquem ipsius Domus Monachum requisiti, si expedire sibi videbitur, poterunt se super his, quæ in sua carta mandaverant, an debite observentur: ac etiam super his, quæ post suam visitationem contigerint, summarie, aut per cognitionem plenariam informare, atque ut expedit, providere. Possunt nihilominus uti huiusmodi potestate, triennio durante prædicto, quocumque per Priorem aut majorem partem Conventus alicujus Monasterii super aliquibus negotiis, sive ante inceptam suam generalem Visitationem sive post eam finitam, fuerint evocati; quamvis in Monasteriis suarum habitationum resideant: dum tamen personaliter accedant ad Domum, ad quam, ut præmittitur, convocantur. Alioquin postquam Domum a se visitatam exierint, de ipsius visitatione, vel circa illam, se nullatenus intromittant. Poterunt tamen, quamquam absentes a Monasterio visitato, dubia, si qua super dispositis per eos in sua Visitatione occurrerint, declarare. Expensas vero, quas Visitatores faciunt, a Monasteriis recipiant visitatis, earum scilicet omnia inter dicta Monasteria partiendo; ita, quod unumquodque Monasterium, secundum quod remotius fuerit, amplius in ratione conferat expensarum; nisi aliquorum Monasteriorum paupertas, & aliorum abundantia aliter suadeat, servata tamen modestia, disponendum. Quod utique intelligimus de illis expensis, quas pro victualibus suis, & servientium & jumentorum, ac pro calciamentorum & feramentorum similiter reparatione, se fecisse itinere dixerint, vel esse facturos; modestiam tamen & honestate ubique servata. Possunt quoque, si velint, pro unoquoque jumento unum florenum de Aragonia in quolibet mense recipere, in recompensatione damni, quod sustinet Domus sua propter jumentum carentiam. Cæterum vestimenta, equitaturas, atque jumentorum stramenta non debent de sumptibus Visitationis habere, nisi contingat casu sine culpa Visitatorum aliquid ex vestibus, jumentis, vel rebus aliis, quas secum de Domibus suis adduxerant, amissum esse, vel factum inutile. Tunc enim emendo rem aliam tanti pretii, quanti res erat amissa, eodem pretio a dictis Monasteriis, ut præfertur, exacto, damnum passus servare se valebit indemnem. Caveant autem ne ipsi aut servitores eorum munera, sive munuscula cujus-

Visitatorum facultates.

Expense Visitatoribus faciende a Monasteriis visitatis.

Donis a Visitatoribus nec

cumque quantitatis aut pretii oblata recipiant, vel exigant non oblata per se interpositamve quacumque dissimulatione Personam: Spiritualia etiam Beneficia exigere non præsumant. Attendant quoque Visitatores, quod qualem cartam apertam in quacumque Domo visitata dimittunt, talem, quam cito commode poterunt, Patri Generali expensis Monasterii visitati transmittant. Cartas vero visitationum, quas Pater Generalis receperit, ut præfertur, diligenter conservet, ut si oportuerit Definitoribus Capitulo Generalis illas ostendat. Postquam vero alias novas cartas sequentis visitationis receperit, primas cartas præcedentis visitationis discerpant, ita quod ultimæ tantum visitationis cartas retineat. Rursus Visitatores scripturas secretas visitationum suarum clausas & sigillatas in locis secretis atque securis caute custodiant, quas deferant ad Capitulum Generale, non utique ut Definitoribus ipsas ostendant, sed ut quantum necesse fuerit, plenam eis faciant relationem de his, quæ ad faciendas misericordias cum Prioribus, aut ad provisiones sive remedia Domorum aut Personarum suæ visitationis tantummodo pertinebunt. Teneanturque nihilominus tam Pater Generalis quam Definitor ac Visitatores præfati, sub secreti sigillo clausa tenere perpetuo cuncta, quæ prætextu suarum diffinitionis, inquisitionis, aut visitationis agnoverint, quæ utilitas exigit, honestateque suadet, aliis minimè revelare.

accipiendæ, nec exigendæ.

De Carris Visitationum, earumque usu.

Denique finito Generali Capitulo, teneantur iidem Visitatores sub obedientia præcepto, quo eos adstringimus in hoc casu, prædictas scripturas comburere, vel penitus refecare; nec amplius super his, quæ in sua visitatione fecerunt, a quoquam proclamari valeant, aut quomodolibet molestari.

Extravagans I.

§.335. Monemus nostros Visitatores generales aut speciales, quod in officio suæ visitationis discrete se habeant hac forma, videlicet: quod diligenter animadvertant, ut quando aliqui Monachus de suo Priore aut de suo Patre aliquid tale dixerit, quod correctionem fraternam servandam prærequirat, ab ipsis interrogetur: an id prius suo Priore charitative manifestaverit: Fratremque suum fraterna correctione emendatum monuerit? Si Frater suus taliter charitative monitus & correctus se emendare neglexerit, an illum Prælato corrigendum & puniendum denunciaverit? Et similiter, an si talem culpam in altera visitatione seu in Capitulo proclamavit aut accusavit, illamque committens poenitentiam debitam subjerit? An etiam potuerit illam culpam in alia priori visitatione dixisse aut proclamasse? Quibus interrogationibus, earumque responsis Visitatores animadvertere poterunt, quo spiritu moveatur & ducatur talem culpam dicens & proclamans; & si prædictam correctionem fraternam debite servaverit. Eos vero, qui hanc correctionis fraternæ formam servandam omiserint, Visitatores prædicti debite puniant.

Forma faciende Visitationis.

Et no-



Et notificamus dictis Visitatoribus, quod nisi ita, ut prædicitur, ab illis servatum fuerit, per Generale Capitulum graviter plecentur. Id ipsum etiam omnino fervetur a Prioribus in suorum subditorum culpis corrigendis & puniendis.

Extravagans II.

Ea que Visitatorum facultatem excedunt.

§. 336. Nostri Visitatores Generales, et si aliquos Officiales ab eorum officiis rationabilibus de causis in Monasteriis, quæ visitaverint amovere possint, eorum tamen provisionem Prioribus dictorum Monasteriorum liberam relinquunt; neque aliqua ædificia in Monasteriis suæ visitationis de novo fieri præcipiant. Præterea caveant, ne multa mandata imponant, ex quibus plus sequitur damni quam utilitatis. Quando vero inhabilitaverint, aut carceri mancipaverint, vel exulaverint aliquem Monachum, hujuscemodi causam Patri Generali notificare non differant; simulque Prioribus Monasteriorum, ad quæ tales Monachos transmittunt, ut sciant, quomodo cum ipsis se gerere debeant.

Extravagans III.

§. 337. Visitatores in suæ visitationis Monasteriis, nec ordinent nec mutant aliqua ad totum Conventum seu statum ejus communem pertinentia, quin prius cum Priore & Deputatis ordinanda vel mutanda consulant; & tali consultatione præhabita, quod eis opportunius videbitur, facere & ordinare possint.

Extravagans IV.

§. 338. Visitatores Monasteriorum Aragoniæ ultra duos dies sumptibus Monasteriorum in Civitate Valentiniæ aut Barchinonæ non permaneat vel detineantur, nisi propter infirmitatem; & insuper Visitatores particulares in Domo propria Monasterii visitandi vel visitati Hospitio recipiantur & commorentur.

Extravagans V.

Nihil recipiendum sub secreto, quod alicujus damno sit.

§. 339. Nullus Religiosus recipiat aliquod sub obligatione secreti, quod in damnum vel præjudicium sui Prioris aut Communitatis, alteriusve vergere possit. Sciant vero, & momentur nostri Monachi, quod hujuscemodi præjudicialia secreta omnino suo Prælati revelare tenentur; Alia vero secreta, quæ in Communitatis vel Prioris, proxime detrimentum & damnum non redundant, revelare nullatenus teneantur.

Extravagans VI.

§. 340. Nostri Visitatores non possint eligi in Priores Monasteriorum, ubi privaverunt aliquem Priorem; prout nec eligi possunt Confirmatores in Monasterio suæ confirmationis.

Extravagans VII.

§. 341. Non priventur voto Monachi, nisi in casibus expressis in jure & nostris Constitutionibus, aut in casibus facinorosis; & insuper in illis, in quibus penitentia culpæ gravioris imponitur.

Monachi voto non privandi.

Extravagans VIII.

§. 342. In posterum observetur inviolabilis consuetudo nostri Ordinis, nimirum quod Patres Visitatores Generales statim post factam in quolibet Monasterio præsentationem, Tabernaculum, ubi Venerabile & Sanctissimum Eucharistiæ Sacramentum in Ecclesia servatur, Sanctos Oleos, Reliquias, reliquæ Ecclesiæ & Sacristiæ ornamenta & suppellectilia visitare teneantur: Nec non Patronatus, Cappellanas, memorias, aliaque pia opera in Monasteriis fundata visitent; eorumque rationes & computa diligenter exigant & assument; Monachosque, circa illorum administrationem negligentes vel delinquentes inventos, rigoroze puniant.

Visitatio ab ornamentis Ecclesiæ incipienda.

Extravagans IX.

§. 343. Observetur pariter nostri Ordinis praxis, nempe quod Patres Visitatores Generales in Monasteriis habentibus Jurisdictionem temporalem aut spiritualem in Subditos aut Vassallos Sæculares, in eorum causis seu querelis audiendis nullatenus se immisceant vel intromittant; sed dumtaxat visitationi Regulari dictorum Monasteriorum & Monachorum suorum vacent & incumbant; dictaque querelas seu gravamina, si quæ ad dictos Visitatores adducta fuerint, Tribunalibus, ad quæ de jure pertinent, prorsus relinquunt.

Visitatores in temporalibus Monasteriis se non immisceant.

Extravagans X.

§. 344. Quoad expensas Visitatorum Generalium fervetur praxis & consuetudo nostri Ordinis; nempe quod singula Monasteria illam quotam & quantitatem, quam in consuetudine praxique habent, Visitatoribus contribuant. Sin vero aliqua expensæ extraordinariæ a Visitatoribus factæ fuerint, puta in longa infirmitate, sive morte alicujus Jumenti, aliisve similibus, omnia Monasteria suæ visitationis solvere teneantur juxta distributionem, in Capitulo Generali sequenti secundum singulorum possibilitatem inter illa faciendam.

Extravagans XI.

§. 345. Monentur Visitatores Generales, quod in Monasteriis eorum visitationis tam ad prandium quam ad cœnam, atque ad alios Communitatis actus, quo melius poterunt & eorum officium permittat, accedant: Intra Clausura dormiant, ut silentii custodiam zelent, & unus saltem illorum Matutino interveniat. Curent insuper, ne extra Monasteria discurrant, nisi ex rationabili causa, ut cito visitatio expediatur; atque, ea completa, in Monasteriis vel Grantiis non se detineant, ne gravosi ipsis Monasteriis fiant.

discurrant, nisi ex rationabili causa, ut cito visitatio expediatur; atque, ea completa, in Monasteriis vel Grantiis non se detineant, ne gravosi ipsis Monasteriis fiant.

CONSTITUTIO LXIX.

De modo Visitacionis specialis.

§. 346. Est & alia species Visitacionis, quæ fit, quando pro necessitate aliqua post Generale Capitulum emergente, major pars alicujus Monasterii Conventus, vel aliquis Monachus ejus, quia periculosum sibi videtur, aut nimis damnosum usque ad Capitulum Generale differre, quod gravat; duos de Ordine, quam ob causam eos petat insinuans, a Patre Generali eidem Monasterio postulat destinari. Qui quidem P. Generalis unam, aut duas Ordinis Personas idoneas, vel si sibi commodius videatur, Visitatores Generales per proxime præcedens Capitulum assignatos eis destinare non differat, sua, prout expedire viderit, ad hæc dicti Patris Generalis arbitrium puniantur. Pari quoque forma per eundem Patrem Generalem puniri decernimus quoscumque Priores, vel Monachos, qui ab ipso pro negotiis, quæ Ordini, aut propriis Monasteriis taliter vocatorum expedire judicaverint, accesserint, sive aliquo ire jussi, ad ipsum venire, seu quo mittuntur ire neglexerint, nisi causa legitima, ut præmittitur, excusentur. Hujuscemodi autem speciales Visitatores eam potestatem habeant, quæ Generalibus Visitatoribus concessa est a Capitulo Generali; & eam in negotiis, ob quæ vocati sunt, irrefragabiliter poterunt exercere: nulla tamen transgredientes ex parte formam, quam Generalibus Visitatoribus supra descripsimus esse tenendam. Cæterum si Conventus Sancti Bartholomæi, aut aliquis ejus Monachus de suo Priore, quando Vicarius Generalis Ordinis existit, justam se credat habere querelam; possit ad ejusdem Monasterii Visitatores eundem habere recursum, quem cætera Monasteria Ordinis possunt ad Patrem Generalem habere; In quo casu Visitatores prædicti Monasterii Sancti Bartholomæi, cum per Conventum, aut aliquem Monachum ejusdem fuerint evocati, venire non differant; & in eo casu provideant, sicuti in cæteris suæ Visitacionis Domibus in casu simili providerent. Quod si hujuscemodi Visitatores facta inquisitione reperiant (quod absit) eundem Priorem Vicarium Generalem Ordinis a Prioratus Officio fore merito absolvendum, vocent illos, qui per Generale Capitulum fuerunt ad tenendum privatam Capitulum assignati, &

De Visitacionibus specialibus Monast. S. Bartholomæi.

illi absolutionem illam facere poterunt, si viderint expedire. Rursus, si aliqua Monasteria nostri Ordinis inter se contingat habere discordiam, Monasterium, quod injuriam patitur, Patri Generali significet, qui destinabit ei unum vel duos Discretos de Ordine, qui plane & sine magna juris solemnitate, discordiam terminabunt. Quod si aliquis vel aliqui Priorum aut Monachorum discordantium fuerint contumaces in non servando, quod fuerit diffinitum, ad ipsorum Destinatorum arbitrium animadversione debita castigentur.

Extravagans unica.

§. 347. Declaramus disposita in hac Constitutione s. Cæterum comprehendere etiam facultatem Capituli privati supra Personam Patris Generalis in simili casu.

Facultas Capituli privati supra Personam P. Generalis.

CONSTITUTIO LXX.

De Electionibus, & Confirmationibus.

§. 348. Quandocumque aliquem Prioratum nostri Ordinis vacare contigerit, omnes Monachos illius Domus, ejus Prioratus vacaverit, constitutos in Sacris, qui tunc in ea presentes extiterint, Vicarius ejusdem Domus faciat capitulariter congregari, quibus obnixè commendet, quatenus devotissimè Deum exorent, ut eis juxta suæ beneplacitum voluntatis de bono dignetur providere Pastore. Ad electiones Priorum nostrorum Personæ, quæ de nostro Ordine non existunt, nequaquam vocentur, & si Personæ hujuscemodi vacationis tempore in aliqua Domo nostra, ejus Prioratus est vacans, presentes existant; non debemus cum eis habere consilium, quas Personas, videlicet eligamus. Cæterum electiones fiant omnino infra dies 40. immediate a vacationis tempore computandos. Si qui vero in hoc negligentes vel inobedientes extiterint, legitimo impedimento cessante, in primo Generali Capitulo juxta suum demeritum punientur. Præterea priusquam celebret electio Conventus cujuslibet Domus Regni Castellæ, vacationem hujuscemodi, quam cito poterit, Patri Generali notificet, petendo ab eo, ut duas ad vacantem Prioratum Personas discretas & sufficientes transmittat, quæ suæ futuræ electioni presentes interfiant, illique Domui provideant de Priore; quod idem Pater Generalis executare non differat. Quæ quidem Personæ postquam ad illam Domum accesserint, illico Vicarium & Monachos ejusdem Domus faciant congregari, literas dicti Patris Generalis, quibus potestatem ad hujuscemodi electionis, confirmationis negotium exequendum sibi concessit, publice nudentes. Quos quidem Vicarium & Monachos statim commoneant, quatenus talem Personam de eodem Conventu, aut de Ordine nostro eligant, quæ sit ætatis legitimæ, honestæ vitæ, ac scientiæ competentis: quique nedum eisdem eligentibus, imo & quibuslibet aliis esse valeat sanctæ conversationis exemplum. Nec ab eadem Domo recedant, &

De modo faciendi electiones Prioratus.

Personæ, quæ de Ordine non sunt ad electiones nullo modo vocanda.

Pro Monasteriis Castellæ duas personas a Generali mittenda.

Quod debeat esse illarum munus.



donec sit electio facta, & canonicè confirmata. Verum si a Domo, cujus est vacans Prioratus, longe distet Electus, & Confirmatores id viderint expedire, poterunt se per dies aliquot absentare; dum tamen tempore opportuno ad confirmandam electionem hujusmodi revertantur. Ex Decreto autem Sac. Congregationis Sanctæ Romanæ Ecclesiæ Cardinalium negotiis Episcoporum & Regularium præpositæ, cum Prioratus Monasterii Sancti Bartholomæi per lapsum triennii speretur vacare, quando Prior ipsius Monasterii vacante Generalatu, munus Vicarii Generalis exercet, tunc Prior existens, si autem alias contingat vacatio, tunc Vicarius ejusdem Monasterii, Assignatis ad privatum Capitulum faciendum, hujusmodi vacationem notificet; eisdemque Assignatos, ut ad providendum eidem Monasterio de futuro Priore veniant, convocare non tardet. Præfati quoque Assignati, sic vocati ad Monasterium prædictum accedant, electioni futuri sæpediti Prioris, qui munus Vicarii Generalis exercere debet, interfint, & illam confirmationem vel infirmam, sicuti expedire perspexerint; ita quod de eodem Monasterio non discedant, donec ibidem provideant de Priore. Quod si quatuor hujusmodi Assignatorum duo pro confirmatione, alii vero duo pro infirmatione steterint, in paritate suffragiorum Prior electus pro confirmato ipso jure habeatur. Si vero aliquis vel aliqui eorum fuerint impediti, vel rebus humanis exempti, ille vel illi, qui venerint, possit vel possint alios vel alium loco eorum vel ejus eligere. Quod si casu quocumque neminem eorum venire contingat, Prior Villæ deliciofæ, aut eo absente, Vicarius cum sui Monasterii deputatis alios eorum loco possit eligere, & per suas literas convocare. Verum cum Prioratus prædicti Monasterii Sancti Bartholomæi, Generalatu non vacante, quomodolibet vacare contingat, tunc Monasterium prædictum ad Patrem Generalem, ut futuræ electionis Confirmatores designet, prout in cæteris nostri Ordinis Monasteriis disponitur, pari modo recurrat. Cæterum cum Prioratus alicujus Domus nostre vacaverit, protinus Vicarius & Monachi in Sacris constituti verbo concorditerque assignent certum terminum competentem cum continuatione dierum sequentium ad electionem celebrandam futuri Prioris. Qui terminus sit ita competens, quod absentes, qui vocem habent in electionem, ultra 25. leucas ab ipso Monasterio non distantes citari, & venire commode valeant, considerata Personarum & temporis qualitate. Dictos vero absentes congruo tempore de ipsa vacatione, ac ad celebrandam electionem termini præfixione, Vicarius & alii Electores præfentes per suas literas patentes certificent, atque citent, ut die horaque præfixis cum eis collectari conveniant; Certificantes illos, quod si non venerint, ipsorum absentia non obstante, ac eis ulterius non vocatis, etiam si ad alium terminum fuerit electio prorogata, præfentes procedent ad electionem; & inde ad omnes actus consecutivos, quousque sit electio canonicè confirmata. Habita vero relatione fide

Quid de vacatione Monasterii Sancti Bartholomæi, vacante Generalatu.

In qualibet Prioratum vacatione terminus ad novam Prioris electionem assignandus.

Absentes vocandi.

digna, qualiter hujusmodi literæ fuerint prædictis absentibus publicatæ & lectæ, dictoque termino transacto, & præfentibus Confirmatoribus supradictis, antequam ad tractandum de ipsa electione procedant, Missa solemnis de Spiritu Sancto conventualiter celebretur; in qua quidem Missa, & dum celebratur ipsa, omnes ac singuli præfentes Monachi Deum humiliter deprecantur, quatenus secundum magnam misericordiam suam sic eos dignetur illuminare, atque taliter concordare, quod talem sibi Pastorem eligant, qui in omnibus teneat viam Dei. Prædicta itaque Missa, ut præmittitur, celebrata & in suo Capitulo vel alio decenti loco univrsis Monachis constitutis in Sacris capitulariter congregatis, ac præfentibus Confirmatoribus sæpeditis, unus Confirmatorum ante omnia incipiat Psalmum, *Ad te levavi*, quem omnes Monachi ad choros perficiant, cum *Gloria Patri, Kyrie eleyson, Christe eleyson, Pater Noster*; deinde prædictus Confirmator dicat, *Et ne nos, Monachi, sed libera. V. Salvos fac Servos. R. Deus meus. V. Mitte nobis Domine. R. Et de Syon. V. Nihil proficiat. R. Et filius iniquitatis. V. Domine exaudi. Dominus vobis. Oremus. Præterende Domine famulis tuis dexteram caelestis auxilii; ut te toto corde perquirant; & qua digne postulanti, consequi mereantur, per Christum Dominum Nostrum.* Et illico unus de Confirmatoribus, si sibi placuerit, aut viderit expedire, faciat aliquam exhortationem salubrem, interferendo, quomodo electio fieri potest & debet, ut canonicè celebretur, & in ejus celebratione ab Electoribus procedatur. Moxque iidem Confirmatores prædictos Electores hortentur in Domino; & etiam si oportuerit, eisdem auctoritate Capituli Generalis præcipiant, ut secundum Deum talem Personam eligant in Priorem, quæ juxta fragilitatem humanam, vita, scientia, & ætate apud omnes digna & idonea reputetur ad Prioratum hujusmodi gubernandum. Serventque omnino Electores de necessitate unam de formis infra in Constitutione sequenti notatis. Talem etiam Personam de se ipsis, aut de Ordine nostro in Priorem eligant, quæ sit Sacerdos, vel in brevi esse possit, & quæ jam in nostro Ordine per triennium ad minus professus extiterit.

Porro si Electores per viam scrutinii, sive per viam mixtam ex compromisso & scrutinio velint in electione procedere, volumus, quod in inquisitione votorum Confirmatores simul cum Scrutatoribus sint præfentes. Quod si iidem Confirmatores viderint, quod electio non debito modo procedit, possint ei libere contradicere, Electoribusque mandare, ut electione illa omiſſa aliam canonicam celebrent, sicut debent. Celebrata vero electione canonicè, mox ex parte Monachorum coram Confirmatoribus electio, si præfens fuerit, supplicetur, ut electioni prædictæ consentiat. Habito autem in Capitulo ad hoc congregato electi consensu, statim electus ad Chorum Monachis, *Te Deum Laudamus* alternatim cantantibus, solemniter pluviali indutus deducatur. & intronizetur in Sede

Præmittenda ad Capitulum electi onis.

Confirmatorum facultates.

Que electionem subsequi debeant.

Sede Prioris. Quod si forsan electus renuat consentire, si quidem Domus ipsius professus extiterit, Confirmatores per aliquem vel aliquos Deputatos, eligentium nomine requisiti, possint, si expedire viderint per obedientiæ præceptum, aut excommunicationis sententiam, aut alia remedia opportuna electum compellere, ut suum præfiet electioni consensum: Si tamen electus alterius Monasterii sit Professus, possunt Confirmatores hujusmodi electio consentiendi & transeundi liberam tribuere facultatem, nisi talis electus in Monasterio, ubi residet Pater Generalis, Professus existat vel resideat; quia tunc solus dicitur Pater Generalis hujusmodi licentiam dare valet. Porro habito electi consensu, & facta, si electus præfens fuerit, intronizatione prædicta, consentim Confirmatores illis, qui hujusmodi electioni specialiter se opponunt, & generaliter aliis quibuscumque, quos ipsum tanget negotium, aut qui sua putaverint interesse, per suas edicti literas persigntem preceptorum terminum competentem ad comparandum coram eis, & opponendum, si volent, contra electionis formam, aut Personam eligentium, vel Electi monentes eos, quod si non comparuerint (ut præfertur) ad examinationem electionis, & confirmationem seu infirmationem, procedent, in quantum de jure poterint & debebunt. Quæ utique literæ in præsentia Monachorum tam in Sacris Constitutorum, quam etiam Laicorum ejusdem Monasterii prælegantur, & nihilominus in præsentia illorum, qui eidem electioni specialiter se opponunt: deinde in valvis Ecclesiæ seu Clauſtri ex parte ipsius Ecclesiæ assignantur; ibique affixæ permaneant temporis spatio, ad Confirmatorum arbitrium moderando. Sane termino taliter assignato decurso, si quidem contradictores speciales appareant, ipsos præfati Confirmatores audiant simpliciter & de plano, dilationes superfluas repellendo, & malignantium calumniis obviando; & omni casu, sive speciales oppositores compareant, sive non, electionis merita diligenter examinent, omni odio, favore, amore inordinato, seu quolibet alio justitiæ impedimento semotis: eandemque confirmant aut infirmant, prout secundum Deum viderint faciendum. Summa vero cum diligentia Confirmatores attendant, ne electio nem insufficientis Personæ ad Prioratum regendum quo quomodo confirmet, super quo eorum conscientias oneramus. Et si forte viderint, quod ex culpa sive negligentia Electorum potestas eligendi ad Generale sit Capitulum devoluta, se de confirmando nullatenus intromittant; Sed ipsam devolutionem statim Generali Capitulo vel Patri Generali notificent; in quo casu Pater Generalis provideat illi Domui de competenti Priore, nisi de proximo immineat tenendum Capitulum Generale, quia tunc Capitulum providebit. Tunc autem ad Capitulum Generale seu Patrem Generalem potestas devolvitur eligendi, cum Electores aut eligunt scienter indignum, aut infra tres menses a die vacationis non eligunt. Caveat autem quicumque Confirmatorum; ne aliquo modo directe vel indi-

Terminus electioni se opponentibus dandus: & quo pacto.

Quid de confirmatione.

recte ad illum se procuret eligi Prioratum, cujus electionis confirmator fuerit Deputatus; alioquin talis electio per suum Collegam aut Collegas omnino cassetur, & nihilominus Confirmator sic electus graviter puniatur. Præter hæc autem Pater Generalis, si viderit expedire, potest per se electiones Priorum nostri Ordinis confirmando perducere, ad effectum, aut eas infirmare, sicut viderit expedire. Attendant tamen, quod in hujusmodi Ordinis statuta custodiat. Tandem, quicquid de expensis solvendis & damnis refarciendis, ac donis seu beneficiis non petendis, supra in Capitulo visitationis Visitatoribus descripsimus esse tenendum, suo modo a Confirmatoribus volumus observari.

Extravagans I.

§. 349. Ut electiones fiant magis conformes voluntati Divinæ, nostri Confirmatores ante quamlibet electionem inquisitionem, faciant secretam subornationum & concordationum, quæ aliquando in casu electionis intervenire solent; severeque puniant, quos delinquentes invenerint. Attamen Confirmatores aliorum delictorum, quæ electionem non concernunt, nullam cognitionem & informationem assumant. Præterea tam prædictorum Confirmatorum, quam Scrutatorum & Electorum conscientia valde onerantur, ut secretissime se habeant in toto negotio electionis.

Ante electionem secreta rerum ad elect. speciantium informatio a Confirmatoribus accipienda.

Extravagans II.

§. 350. Quando aliquis Monachus fuerit assumptus in Priorem alterius Monasterii, in futura vacatione ejusdem ab illo non discedat usque ad confirmationem novi Prioris, ut iste possit ab illo informari de his, quæ pertinent ad regimen, amboque simul uniti cum Deputatis & Depositariis tam de novo electis, quam absolutis, relinquunt propria manu subscriptum statum Monasterii. Postea vero dicto Priori absoluto detur focus; omniaque necessaria, ut ad suum Monasterium redire possit, provideantur; & nimium sunt reprehendendi, qui non bene tractant Prælatos, postquam terminaverint suum officium.

Prior non discedat nisi post electionem novi Prioris.

Extravagans III.

§. 351. In electionibus Monasteriorum nominet Pater Generalis saltem quatuor Personas Ordinis extra Monasterium ad effectum faciendi electionem; sed hujusmodi nominatio non intelligatur coactiva, sed tantum directive.

In electionibus Monasteriorum quatuor Personæ a Generali nominandæ.

Extravagans IV.

§. 352. Ut citius peragatur electionis negotium, & Monachi diu non distrahantur a Religiosa quiete, Sacra approbante Congregatione Episcoporum & Regularium negotiis præposita, quadraginta dies assignati pro electione restringantur, & reducti imposterum censeantur ad terminum & numerum præsum

Pro qualibet elect. decem tantummodo dies infirmantur.



sum decem dumtaxat dierum a primo, quo fieri scrutinia incipiunt, computandorum: in quo termino decem dierum fieri debeat electio. Et si per quadraginta scrutinia, in dicto termino celebrata, Electores vel major eorum pars non concordaverint, vel electio canonica non successerit, vel jure devoluta pertineat ad P.Generalem.

Extravagans V.

§.353. Nullus Monachus possit eligi in Priorem Monasteriorum nostri Ordinis, nisi qui viginti annos ab habitu receptione compleverit, & qui præterea scientia necessaria & sufficienti ad subditorum & Monasteriorum regimen, & gubernium in utroque foro præditus existat. Eam autem sufficientem ad id scientiam judicari decrevit Sacra Congregatio Episcoporum & Regularium negotiis præposita, si Monachus ad ubique Prædicandum a Patre Generali, & ad Confessiones audiendas ab Ordinario Diocesano licentiam jam obtineat.

Extravagans VI.

§.354. Monachi, qui propter infirmitates sive actuales sive habituales a Matutino media nocte dispensationem obtinent: & qui propter eandem vitam communem & regularem cum aliis sequi non possunt, in Priores Monasteriorum nullatenus eligi valeant. Sin vero postquam aliquis vel aliqui electi fuerint, diuturna aliqua infirmitate ab exequendis proprii officii muneribus diu impediuntur, Prioratum prædictum renuntiare debeant; quod si renuerint, a Patre Generali vel a Visitatoribus Generalibus ad prædictam renunciationem compelli possunt.

CONSTITUTIO LXXI.

De Electionis forma.

§.355. Forma electionis canonice in antiquis Constitutionibus diserte tradebatur, videlicet: Per inspirationem, scrutinium, compromissum, & scrutinium cum compromisso mixtum. Sedulo autem, & prudenter ab antiquis Patribus in ipsis Constitutionibus animadvertetur, formam electionis per Inspirationem, seu per Spiritum Sanctum, ob nostra peccata vix aut ne vix quidem absque periculo nullitatis succedere, providumque consilium esse nunquam ad praxim reducere: Formam Scrutinii ex pluribus substantialibus, quæ concurrere debent, esse plurimum difficilem, sed necessariam, uno Electorum illam volente, quo in casu alia forma teneri non potest: Formam Compromissi raro reduci posse ad usum, cum difficiliter omnes & singuli Capitulares in ipsa consentiant: Formam vero Compromissi cum Scrutinio mixti, ut cæteris faciliorem & tutiorem assumi posse utiliter.

Quoniam vero ex Sacrosancti Concilii Tridentini Decreto districte præcipitur in electione Superiorum, aliorumque Officia-

Requirenda ad hoc ut quis in Priorem eligi possit.

Qui regularem cum aliis vitam sequi nequeunt in Priores eligi non possunt.

lium Regularium quorumcumque, quo omnia recte & sine ulla fraude fiant, per vota secreta procedi debere: itaut singulorum eligentium nomina nunquam publicentur, quibuscumque facultatibus in contrarium abrogatis: hinc hujusmodi Sacri Concilii dispositioni obtemperando, formis eligendi per communem Inspirationem & per Compromissum absolutum prorsus abrogatis & exclusis in nostris electionibus, vel forma Scrutinii secreti penitus observetur, vel, quatenus nemo Electorum contradicat, per formam Compromissi cum secreto Scrutinio mixto saltem procedatur. Ut autem secretum adeo a Sacro Concilio injunctum strictius servetur, atque omnes & singuli Electores, omni humano respectu postposito, secundum Deum & suam conscientiam sua suffragia conferant, nullatenus singuli explicent verbaliter, licet secreta, vota sua Scrutatoribus & Confirmatoribus electionis; sed unice, & dumtaxat per secretas schedulas omnes Capitulares suffragentur: aliter vero factæ electiones irritæ & nullius roboris ipso jure prorsus existant.

Forma igitur secreti Scrutinii cum his requisitis celebrari debet. Primum: Peractis ad electionem preparatoriis, sicuti in præcedenti Constitutione disponitur, & in aula Capituli convocatis omnibus Capitularibus, qui vocem in electione habent, per omnes Electores aut eorum partem majorem cum schedulis secretis certi deputentur Scrutatores votorum, qui, ut magis convenit, sint tres & de ipsismet Electoribus. Secundum: Scrutatores electi Confirmatoribus juncti, & ab aliis separati, in loco opportuno Aula Capitularis congregentur: ita quod ab omnibus Electoribus videantur, sed ab eorum nemine audiantur: & ibidem prius sua, deinde singulorum vota Electorum sigillatim per schedulas secretas in Buxulam sive Urnam ad id paratam mittant, & respective recipiant. Tertium: Vorum cujuslibet Electoris, ut præmittitur, in schedula secreta scriptum, non sit conditionatum, nec alternativum, neque incertum; sed prorsus certum & determinatum de certa Persona: V.G. = *Nomino, & eligo, N.N. in Priorem hujus Monasterii N.* = Caveant vero Electores, ne propria nomina subscribant, vel in eadem schedula quocumque modo manifesta faciant, ne electio sit nulla. Quartum: Postquam vota omnium & singulorum Electorum fuerint in Urna recepta, coram omnibus a prædictis Scrutatoribus simul cum Confirmatoribus presentibus numerentur; & quatenus unum vel plura vota comparative ad numerum Electorum desint vel exuberent, Scrutinium ab ipsis declaretur nullum, & ad aliud juxta formam prædictam procedatur. Quintum: Correspondentibus votis ad Electorum numerum, si duo vel plures fuerint ad Prioratum nominati, fiat collatio a Scrutatoribus simul cum Confirmatoribus, numeri dumtaxat ad numerum votorum; & si aliquis nominatorum majorem partem votorum respective ad totum Capitulum, nempe ad numerum omnium electorum non habuerit, Electio non est facta, & ad alterum procedi debet Scrutinium. Si vero

Electiones per vota secreta faciendæ.

Hec autem vota per schedulas secretas danda.

Forma in scrutinio servanda.

Forma schedule.

Extravagans I.

§.356. In omnibus Electionibus tam Priorum quam aliorum Officiorum electivorum suffragetur per Schedulas secretas, ut disponitur in Constitutione. Secretarius vero, aut Schedulingus sit ex Professis ejusdem Monasterii, qui non habent votum; eligaturque vocaliter a Conventu coram Confirmatoribus pro electione Prioris, & pro aliis officiis coram Priore & duobus Antianis, quorum alter sit Vicarius.

Extravagans II.

§.357. Si contingat in electione Scrutatorum æqualiter dividi Electorum suffragia in diversas Personas, Confirmatores prædictæ electionis secundum suam conscientiam alterum aut duos eorum, qui pares suffragiis extiterint, Scrutatores eligant & nominent. Sin vero Confirmatores in eligendo aut eligendis huiusmodi inter se non convenient, sed discordent, Ille vel illi declarentur electi, qui in loco & sessione cæteros Capitulares antecedant. In nullo tamen casu Vicarius Monasterii in Scrutatorum eligi possit.

CONSTITUTIO LXXII.

De Penes illorum, qui tractant de Electionibus.

§.358. Monachi, qui inter se tractaverint de electione futura Prioris, antequam vacet Prioratus Officium, vel post, suspendantur a voce Capituli per Priorem, aut per Vicarium, vacante Prioratu, vel per Confirmatores ejusdem electionis. Si vero non fuerint Ordinis Sacri, injungatur eis, ne deferant tonsuram.

Extravagans I.

§.359. Monachi privati vocibus Capitularibus non restituantur ad voces sex mensibus immediate præcedentibus electionem Priorum.

Extravagans II.

§.360. Indebite tractans de electionibus quorumcumque Officiorum nostri Ordinis, scilicet Vicarii, Procuratoris temporalium, & Capituli Generalis, Deputatorum, aut Depositariorum, in pœnas hujus Constitutionis incurrat, quas omnino exequi Visitatores & Priores curent.

Extravagans III.

§.361. In materia subornationum sufficiant tres Testes singulares ad privationem vocis, subornanti imponendam.

Extravagans IV.

§.362. Monachus, qui subornaverit pactis vel promissionibus, donis, aut minis, sive alio quo-

De Secretario, vel Schedulingo.

Quid in suffragiorum æquitate.

Vicarius Monasterii in Scrutatorum non eligendus.

De electione Prioris tractantes a voce Capituli suspendendi.

Ad quas restitui nequeant nisi post sex menses ab electione.

Quas in pœnas incurrentur, qui de ceterorum officiorum tractant electionibus.

In subornationibus tres Testes sufficiant.

Contra subornatores pœne.

Forma publicationis electionis.

De modo procedendi juxta formam Compromissi cum Scrutinio secreto mixti.